



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

იანქოშვილი ნათელა არჩილის ასული



იანქოშვილი ნათელა არჩილის ასული (28. VIII. 1918, გურჯაანი, – 2008, თბილისი), ფერმწერი და გრაფიკოსი. საქართველო. სახ. მხატვარი (1976). შოთა რუსთაველის სახ. სახელმწ. პრემიის ლაურეატი (1995). თბილ. საპატიო მოქალაქე (2000).

დაამთავრა თბილ. სამხატვრო აკადემია (1943). ი. ძირითადად პორტრეტისტი და პეიზაჟისტი. გამოფენებში მონაწილეობდა 1943-იდან. თბილისში 1960–82 მოეწყო მისი ნამუშევრების 8 პერსონალური გამოფენა.

ნ. იანქოშვილი

ძირითადი ნამუშევრები: პორტრეტები – „ნინო ჭავჭავაძე“ (1958), „მამის პორტრეტი“ (1954, ორივე შ. ამირანაშვილის სახ. ხელოვნების მუზეუმი), „ირმა ჩოფიკაშვილი“ (1960), „ანა კალანდაძე“ (1961), „მუხრან მაჭავარიანი“ (1969), „მედეა ჯაფარიძე“ (1976), „ნიკოლოზ ბარათაშვილი“ (1978), „მიხეილ თუმანიშვილი“ (1978, ყველა კერძო კუთვნილება); პეიზაჟები – „მცხეთის ჯვარი“ (1967), „კახეთი“ (1974), „შატილის კუთხე“ (1980); დაბგური გრაფიკა – „მთვარიანი ღამე“ (1945), „მეფე თამარი“ (1960). ავტორია სერიებისა: „სვანეთი“, „მექსიკა“, „კუბა“. განსაკუთრებით აღსანიშნავია მის მიერ შესრულებული „ვეფხისტყაოსნის“ დასურათება (18 ილუსტრაცია, 1964–66).
